



SULEQATIGIISITSISUT
SAMARBEJDSPARTIET

Nuuk ulloq 05. juuli - 2018

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqutit:

1. Sermitsiaq.ag-p nittartagaani atuarparput 2017-mut Aningaasanut Inatsit "sinneqartooruteqartoq". Aamma atuarparput "sinneqartoorfigineqartoq" issuaaneq aallartippoq: ” Aammattaaq aningaasaliissutaasartut inatsisinut pituttorsimasut, ingammik isumaginnittoqarfiup iluaniittut, ilimagisamit annikinnerusumik aningaasartuuteqarsimmata.”, (sermitsiaq.ag, ”Pele Broberg sipaaqqusivoq, ulloq 03. juli 2018).

Naalakkersuisut oqaatigisinnaanerlugu aningaasaliissutaasartut inatsisinut pituttorsimasut, ingammik isumaginnittoqarfiup iluaniittut suut ilisimagisamit annikinnerusimanersut?

2. Naalakkersuisut oqaatigisinnaanerlugu soq aningaasat atorneqarsimannginnersut? Aamma suna pissutaasimasinnaanersoq?

3. Naalakkersuisut oqaatigisinnaanerlugu malittarisassat suut tunngaviusimanersut aningaasat inunnik isumaginninnermut pisariaqartitseqisumut nuunneqarsimannginnerannut imaluunniit soq aningaasat immikkut kommuninut aningaasaliissutaasimannginnersut?

4. Naalakkersuisut pilersaarutiginerlugu aningaasat atunngitsuukkat siunissami inunnik isumaginninnermut pisariaqartitseqisumut nuunneqartalernissaat?

5. Aningaasanut Inatsisissap tulliini aningaasat inunnik isumaginninnermut iluani suliniutinut angisuunut amerlanerusunullu nuuttalernissaat Naalakkersuisut pilersaarutiginerlugu?

Tunngavilersuut:

Paasiuminaassinnaavoq, inunnik isumaginninnerup iluani "sinneqartooruteqartoqarsinnaammaat", tassani aningaasaliissuteqarsinnaammat atorfissaanut atorneqanngitsoorsimasunik. Tamatta nalunngilarput inunnik isumaginninnerup iluani nunami maani iluarsisariaqartoq amerlasoorpassuarnik.

Aamma tamatta nalunngilarput, siusinaartumik pensionisiallit, utoqqaat, peqqinnissaqarfik, ilinniartitaaneq aamma sualummik meeqqanut inuusuttunullu immikkoortortaq angusassanik toraagalinnik suliniutinik amingaatilerujussuusoq aamma ajornartorsiuterpassuaqartoq - toqqaannartumik inunnut sunnuteqartumik aamma toqqaannangikkaluamik sulisussanik pissarsiniarnerup ajornartorsiorfiunera pissutigalugu, piginnaasaqarnerulernissakkut



**SULEQATIGIISITSISUT
SAMARBEJDSPARTIET**

ajornartorsiuteqartoqarnera imaluunniit systemimi iluarsartuussisoqarnissaatigut
ajornartorsiuteqartoqarnera pissutigalugit.

Taamaattumik apeqqutikka apeqqutigaakka.

Suleqatigiissitsisut ullut sulliviit nalinnaasut qulit iluanni akissutisinissaminnut qilanaarput.

Tillie Martinussen
Samarbejdspartiet - Suleqatigiissitsisut